

solan rediisse) unde constat reliquias feminas interim Angelos vidisse? Fieri enim potuit ut perseverarent circa monumentum, solum expectando redditum Magdalæ.

7. Unde facile excogitari potest alia series quæjus historiæ, sequendo etiam Augustinum dicentem, quando Magdalena venit ad Apostolos, nondum vidisse Angelos, simulque asserendo, vel cum illa rediisse cæteras feminas, vel certe ejus redditum expectasse prope monumentum, atque interim nihil vidisse. Postquam vero Petrus et Joannes venerunt ad monumentum, et omnia inspicerunt ac reversi sunt, mansisse ibi Magdalena cum cæteris feminis, atque tunc omnes vidisse Angelum sedentem super lapidem, et ingressas in monumentum, vidisse juvenem sedentem in dextris. Postea vero, magno tremore ac pavore percussas, egressas esse, ac cæteras quidem longius a sepulchro aufugisse; Magdalænam vero amore timorem viciisse, ac juxta sepulchrum, perseverasse, ac tunc accidisse quod Joannes narrat: *Maria stabat ad monumentum foris plorans*; contra hunc enim ordinem nihil afferri potest, et per se verisimile est potuisse ita accidere; et alioqui melius ac proprius texuntur verba Marci et Matthæi, qui de omnibus mulieribus, quarum in principio mentionem fecerant, narrant totum illud factum, et visionem ac locutionem Angelorum. Ac similiter quæ Lucas narrat, melius hoc modo accommodantur, ut infra dicam. Tandem, juxta hanc seriem historiæ facile intelligitur quomodo Christus apparuerit primo soli Magdalæna in specie hortulanæ, ut Joannes refert. Cum enim (ut diximus) aliae mulieres egressæ de monumento præ timore diffugissent, Magdalena vero statim juxta sepulchrum stetisset, et se iterum ad lustrandum sepulchrum inclinasset, vidit duos Angelos, deinde Christum, ut Joannes narrat, et fortasse hoc voluit indicare Marcus, quando post narratam fugam mulierum de monumento cum pavore et timore, proxime subiungit: *Surgens autem Jesus, mane primo apparuit Marie Magdalæna.*

8. *Objectio.* — *Responsio.* — Hinc vero ulterius addo, nihil esse quod nos cogat ut dicamus Mariam Magdalenam rediisse ad Apostolos ante conspectos Angelos. Fieri enim potuit ut omnia, quæ Matth. et Marc. narrant usque ad visionem Angelorum, prius facta sint, et postea encurrit ad Apostolos, nuntiatura quæ viderat, ac deinde redierit cum Apostolis ad sepulchrum, eisque recedenti-

bus, et cum eis abeuntibus aliis mulieribus, ipsa sola permanserit, videritque Dominum; quem ordinem sequi videtur Tatianus Alexan., in Harm. Evang. Neque contra hoc obstat quod Magdalena dixerit Apostolis: *Tulerunt Dominum.* Nam etiam ipsis Angelis, quando secundo ei apparuerunt (ut probabilis credimus), dixit: *Tulerunt Dominum meum;* imo et ipsi Christo quem post Angelos vidi, antequam illum agnosceret, dixit: *Domine, si tu sustulisti eum, dicio mihi, et ego eum tollam.* Recte ergo quoad hanc partem dixit Hieronymus, *Magdalena obstupfactam in tantum torpuisse, ut ne Angelorum quidem præsentium sentiret aspectum, cumque videret Angelos, etiam quos videbat, ignoraret.* Non ergo cognovit esse Angelos, neque eis fidem adhibuit, vel saltem non firmam, et stabilem; sed admodum vacillantem, vel potius ab eis decipi timuit, ideoque dicere potuit: *Tulerunt Dominum meum;* vix enim sciebat quid diceret. Sed instabis: si viderat Angelos, cur non id narravit Apostolis? Respondetur, cur non id narravit, vidisse lapidem sublatum? vel potius, unde constat non utrumque narrasse? Joannes enim refert quidem dixisse: *Tulerunt Dominum de monumento, et nescimus ubi posuerunt eum.* An vero plura dixerit, tacet quidem Evangelista, non tam negat. Quocunque ergo ex iis modis, recte intelligitur quomodo absque discordia Evangelistarum potuerit Christus primo apparere soli Mariæ Magdalæna seorsum ab aliis mulieribus. Alia vero difficultas, quæ hic subhoritur ex alia apparitione quam Matth. narrat, in sequenti conclusione tractabitur.

9. *In die resurrectionis una cum aliis Magdalæna Christus appareret.* — Dicendum est secundo, Christum eo die iterum apparuisse Magdalene simul cum aliis mulieribus. In hac conclusione convenient omnes antiqui expositores, Augustinus, Hieronym. et Euthymius, supra citati; et Theophylact. supra. Insinuat Chrysost., hom. 90 in Matth.; Tatianus, in Harmonia; Driedo, l. 3 de Dogmatibus sacrae Scripturæ, tract. 3, c. 4, præsertim quoad eam partem quæ asserit, in ea Christi apparitione, quam Matth. narrat factam esse mulieribus, inventam esse Magdalenam, quoniam Matt. satis aperte id indicare videtur. Eodem enim contextu, et easdem referens mulieres, dicit: *Et ecce Jesus occurrit illis, dicens, Ave; illæ autem accesserunt, et tenuerunt pedes ejus.* Nam relativum illæ et illis, easdem feminas refert de quibus a principio

capitis sermonem habet. Ex haec vero parte Cur enim permitta fuisse tangere quæ paulo necessario sequitur (suppositis iis quæ dicta sunt in prima conclusione) eodem die, atque intra breve spatium temporis, bis Christum apparuisse Mariæ Magdalæna. Quod vero prius illi soli apparuit, quam simul cum aliis feminis, primo probatur testimonio Marci supra tractato, et ex omnibus adductis in præcedenti conclusione. Secundo convincitur alio argumento supra facto, scilicet, quia si Magdalena prius vidisset Christum cum aliis mulieribus, non stetisset postea juxta monumentum, ploras ac dicens: *Tulerunt Dominum meum.* Nam, licet Hieronymus supra respondeat potuisse Magdalena hæc dicere præ nimia turbatione, etiamsi jam Christum vidisset, tamen revera hoc non est credibile, quia Christi præsentia omnem mœrem perturbationemque Magdalene abstulerat. Item, quia non erat ita perturbata, quin esset sui compos, et ratione perfecte uteretur; ergo, si semel vidi, sibique persuasit esse Christum quem conspiciebat vivum ac resuscitatum, non poterat postea corpus ejus mortuum quererere ac lamentari. Tertio probatur, declarando seriem historiæ atque harum apparitionum ordinem. Nam postquam Magdalena vidit Dominum in specie hortulanæ, et ab eo iussa est ire nuntiatum discipulis quæ videbat, summo gudio affecta, diligentissime iter arripuit, atque ita facile fieri potuit ut ad alias mulieres brevi pervenerit. Verisimile enim est illas, tum ob animi turbationem et mœrem, tum etiam ob desiderium sciendi quid accidisset, lente incessisse. Postquam ergo eas Magdalena consecuta est, cœpit simul cum eis progredi, et fortasse de his quæ viderat colloqui, et tunc iterum apparuit eis Christus in via, ut Matth. narrat. Igitur cum hoc modo omnia, quæ Evangelistæ narrant, facile in concordiam redigantur, et per se constet facile potuisse ita accidere, et omnes alii modi magnas difficultates patientur, merito hunc cæteris præferendum censemus.

10. *Primum dubium.* — *Testimonii Joann.*
20 prima, secunda et tertia expositio. — Duæ vero graves difficultates supersunt in hac sententia explicandæ. Prior est, quia in priori apparitione facta soli Magdalene fuit prohibita tangere pedes Christi, illis verbis: *Noli me tangere, nondum enim ascendi ad Patrem meum;* at in apparitione facta mulieribus, Christus permisit eis ut accederent, tenerentesque pedes ejus, ut Matth. narrat; ergo non est verisimile inter eas affuisse Magdalenam.

detur, id est, nondum resurrexi, et ad statum gloriae perveni, scilicet, in tua fide et existimatione. Unde inquit: *Quem mortuum quæris, viventem tangere non mereris. Si me nondum putas ascendisse ad Patrem, sed hominum fraude sublatum, meo tactu indigna es.* Et utramque complectitur Ambrosius, Lucae ult.; et significat lib. de Isaac et Anima, c. 5, et ser. 58, qui potius D. Maximi esse censetur. Nec dissimilis est quam significat Leo Papa, ser. 2 de Ascensione, dicens Magdalena tunc gessisse personam Ecclesiæ, quæ Christum in hac vita habere præsentem desidera e poterat, cui Christus: *Nolo ut ad me corporaliter venias, neque ut me sensu carnis agnoscas. Ad sublimiora te differo, majora tibi præparo; cum ad Patrem ascendero, tunc me perfectius veriusque palpabis, apprehensura quod non tangis, et creditura quod non cernis.* Quibus verbis etiam significat illam repulisse propter imperfectam fidem. Rationem autem Christi aliter explicare videtur, scilicet: *Nondum ascendi, id est, nondum tu pervenisti ad eam perfectam fidem quam post meam ascensionem consecutura es. Quæ expositio, præterquam quod non bene accommodatur contextui, auget difficultatem propositam.* Quia juxta hanc rationem sic expositam non debuissest Christus ante ascensionem se tangentem præbere, aut Magdalena, aut aliis. Deinde id, quod commune est omnibus iis expositionibus, scilicet, Mariam Magdalena repulsam esse propter imperfectionem fidei, non video quo fundamento nitatur, cum verbum ejus, *Magister*, potius indicet indubitatem fidem; et ita Tertull., l. contra Prax., c. 25, Magdalena vocat *fidelem feminam, quæ non ex curiositate, neque ex incredulitate, sed ex fide, et dilectione Christum tangere aggressa est.*

11. Quarta expositio. — Atque easdem difficultates habet expositio Cyril., 12 in Joann., c. 50, ubi ait Christum ante passionem facile permisisse quoslibet peccatores ad se tangentium accedere, ut eos sanctificaret. Quia eo tempore adhuc erat *in similitudine carnis* peccati, ut notavit etiam D. Thomas infra, q. 80, a. 4, ad 1. At vero post resurrectionis gloriam, non ita facile se palpari permisit, ad significandum corpus Christi non esse tangentium, nisi ab his qui Spiritum Sanctum accepérunt: *Quia ergo (inquit Cyrilus) nondum Spiritum Sanctum miserat, ideo a tactu suo Maria prohibebat, dicens: Nondum enim ascendi ad Patrem meum, id est, nondum Pater*

¹ Joannes Hesselius in historia passionis et resurrectionis Domini.

per me Spiritum Sanctum ad vos misit. Contra hanc enim expositionem obstat, quod juxta illum non debuissest postea permitti se tangi a mulieribus et discipulis. Responderi tamen posset, Christum voluisse hoc semel significare in Magdalena adhuc imperfecta; non tamen oportuisse ut semper id observaret. Tum quia necessarium erat ad confirmandam resurrectionem aliquando ut se contrectari permetteret; tum etiam ut lenitatis ac benevolentiae signa discipulis exhiberet. Sed quamvis hoc ita sit, illa tamen ratio valde mystica apparet, et in verbis Christi non habet fundamentum. Multo autem magis voluntarium est quod quidam addunt¹, Magdalena non solum voluisse adorare Christum, et deosculari pedes ejus, sed etiam petuisse ab eo ut sibi daret Spiritum Sanctum quem post suam se resurrectionem daturum promiserat. Et ideo Christum ita respondisse. Hoc enim liberè excogitatum est, neque in præsenti textu Evangelii habet fundamentum, neque in alio loco ubi Christus Spiritum Sanctum promisit. Illa enim promissio facta est in coena, ubi soli aderant Apostoli, et fortasse ad aures Magdalene nondum venerat.

12. Quinta expositio. — Alii ergo exponunt Magdalenam existimasse Christum rediisse ad eamdem vitæ conditionem quam ante mortem habuerat, sicut fratrem suum Lazarum paulo antea a Christo resuscitatum adspexerat; et ideo voluisse eodem modo alque eadem familiaritate cum illo conversari, ut antea solebat; Christum autem, ut eam doceret ad altiorem vitæ statum se surrexisse, eam prohibuisse dicendo: *Noli me tangere.* Ita exponit Chrysost., hom. 83 in Joann., quem Theophylactus et Euthym. sequuntur, et fuit antiquior expositio Justini Martyris, q. 48 ad Orthod.: *Dictum est (inquit) Mariæ a Servatore, Noli me tangere; quasi diceret, Noli me sequi, ut perpetuo tecum verseris, sicut erat ante meam crucem consuetudo.* Juxta quam expositionem non erit necessarium dicere, Christum repulisse Magdalena ut nullo modo ipsum tangeret, suosque pedes deoscularet; sed ne diu atque familiariter ibi cum ipso maneret. Quin potius, addit Cajetanus, nec displicet Jansenio, c. 143, non tantum voluisse Magdalena tangere pedes ejus, sed etiam præ nimia lætitia et incredibili vi amoris voluisse illum amplecti, ejusdem faciem et col-

lum tenere, et ab hoc contactu eam repulisse Christum. Quod si verum esset, facilime expediret difficultas proposita. Nam postea Magdalena, jam admonita a Christo, non accessit eo modo, sed solum ad pedes procidit cum reliquis mulieribus, adorandi causa, et idcirco permissa est tangere Christum.

13. Sed mihi haec non probantur; Chrysostomus enim dicit Magdalenam voluisse accedere ad Christum eo modo quo prius solebat. Inipium autem esset cogitare Magdalenam fuisse solitam eo modo contingere, vel amplexari Christum, sed solum, *procidere ad pedes Domini* (ut dicitur Joann. 11), et *secus pedes ejus sedere* (ut dicitur Lucæ 10); ergo incredibile videtur hoc tentasse, quando Christus ei apparuit; vel saltem non est mens Chrysostomi, neque ullus unquam Sanctorum id dixit. Deinde, quamvis Christus non ostenderit Magdalena gloriam suam, tamen solo suo aspectu, tantam gravitatem et venustatem ostendebat, ut honorem quemdam seu reverentiam conciliaret; unde verbum quod statim protulit Magdalena, scilicet: *Magister*, potius fuit reverentiae quam amoris. Ergo verisimile est magna cum reverentia procidisse ad pedes ejus; nec fuisse ob hanc causam a Domino repulsa. Denique juxta hanc expositionem difficile applicatur ratio Christi. Quid enim significat: *Noli mecum tam familiariter agere, quia nondum ascendi ad Patrem meum?* Numquid post ascensionem erat illo modo ac familiaritate Christum contrectatura? Nisi quis fortasse dicat, in statu glorie futurum esse inter Christum et beatos familiarem illum tractandi et conveniendi modum, et hoc voluisse Christum significare, ut indicavit Bernardus, serm. 5 de Omnibus Sanctis. Sed hoc quoque non est admodum probabile, tum quia etiam in cœlo non erit illa familiaritas quæ indecentiam quamdam præ se fert; tum etiam quia Christus non dicit: *Nondum enim ascendimus, sed de se solo loquitur.* Tum denique quia nullus interpretum ita intellexit.

14. Aliter vero solet accommodari ratio Christi ad prædictam expositionem, ut non intelligatur perfecta et consummata solis illis verbis: *Nondum enim ascendi ad Patrem meum, sed conjungenda sint etiam sequentia: Vade autem ad fratres meos, et dic eis: Ascendo ad Patrem meum, etc.* Ita ut sensus totius orationis sit: *Noli me tangere, id est, ne existimes tam familiariter esse tecum agendum.* Quamvis enim nondum ascendi ad Patrem meum, tamen jam sum in eo statu in

quo brevi ascendam. Itaque jam sum constitutus in statu gloriose et immortalis, et ideo neque mihi debetur terrena habitatio, nec prior conversandi modus, quamvis propter vestram utilitatem aliquantulum differat ascensionem meam. Quæ expositio placuit recentioribus, et est probabilis; vim tamen aliquam infert litteræ. Tum quia oportet subintelligere vel addere aliquod verbum, scilicet, *quamvis non ascendisti.* Tum etiam quia illa verba: *Vade autem ad fratres meos, non comode interponuntur.* Neque magis placet modus quo alii Christi rationem inducunt. Dicunt enim subintelligendas esse plures interrogations quas Magdalena facere posset, quas Christus prævenire, eisque uno verbo satisfacere voluit. Cum enim Christus illi dixisset: *Noli me tangere*, potuisset ipsa conqueri et dicere: Quid rei hoc est? Nonne, Domine, tecum familiariter agere solebam, et ad deosculandos pedes tuos benigne admitti? Cui Christus tacite respondet, se jam esse in statu gloriose et immortalis in quo ascensus erat ad Patrem. Sed quia potuisset Magdalena rursus instare dicens: Nonne ego te video sicut antea? Nonne mecum eodem modo loqueris et conversaris? Ad hæc omnia responderet Christus illis verbis: *Nondum ascendi ad Patrem meum, ac si diceret, Noli mecum ita familiariter conversari.* Quia licet tibi me consciendum præbeo, non ideo est quia status, in quo jam sum constitutus, id requirat; sed quia ex dispensatione quadam nondum ascendi ad Patrem propter vestram utilitatem. Quæ omnia sunt quidem ingeniose excogitata; tamen obscurum valde et laconicum fingunt Christi sermonem; et præterea supponunt aliquid incertum, et quod vix potest commode explicari. Non enim satis intelligo quis fuerit hic modus nimis familiaris, quo Magdalena voluit tangere Christum; neque etiam video fundamentum ad dicendum Magdalena existimasse ad vitam mortalem eum surrexisse.

15. Expositio vera. — *Magdalena Christum in horto tangere cur prohibita.* — Ultima ergo expositio, et maxime consentanea litteræ, esse videtur, Christum nihil aliud voluisse Magdalena significare, nisi ut velociter properaret ad annuntiandam suam resurrectionem discipulis. Unde cum ipsa vellet ad pedes ejus immorari, et semel atque iterum deosculari, dixit illi: *Noli me tangere, id est, noli nunc in hoc immorari, ac si non esses amplius me visura.* Erit enim postea tempus in quo pos-

sis meo conspectu frui, meque contingere ac nibus dixit, ut irent ac properarent nuntiatu-
ræ discipulis resurrectionem. Et eadem ra-
tione, quamvis non legamus, Magdalena in
prima apparitione tenuisse pedes Christi et
adorasse, tamen non fuit absolute vestita id
facere; ideoque verisimile est fecisse id qui-
dem, quamvis quam citissime, nullaque in-
terjecta mora.

17. *Castitatis exemplum.*—Secundo, quam-
vis daremus Christum omnino prohibuisse
Magdalena in prima apparitione ne se con-
tingeret, posset sufficiens ratio assignari ob
quam in secunda apparitione hoc permissum
sit, tam illi quam feminis, videlicet, quia
Maria jam ex parte impleverat quod Christus
jusserat, et gaudium resurrectionis cum so-
ciis suis communicaverat, quibus resurrec-
tionem Christi annuntiaverat. Deinde jam mi-
nime morari volebat ad pedes Domini, sicut
prius; sed tantum simul cum aliis eum ador-
are, et statim iter naturare suum. Denique
non omittam dicere quod Epiphanius, hæresi-

26, prope finem, significavit his verbis: *Ut
ostenderet manifestam castitatem et sanctimo-
riam per sanctificationem, dicit Mariæ: Ne
me attingas.* Indicat enim rationem moralem
potius quam litteralem, videlicet, Christum,
ob exemplum purissimum castitatis, non per-
misso Mariam prius se contingere, quando,
videlicet, sola erat; postea vero in præsentia
et consortio aliarum mulierum id permisso.
Sicut et quando discipulis dixit: *Neminem sa-
lutareris in via, non interdixit eum salu-
tandi modum quem charitas et urbanitas exi-
git, sed voluit eo dicendi genere significare,
ut sine mora proficerentur, munus obliuri
suum. Ad hunc ergo modum, cum dixit
Mariæ Magdalena: *Noli me tangere, non om-
nino prohibuisse ne ipsius pedes deoscula-
retur ac veneraretur; sed significasse ut cito
se expediret, et ad discipulos festinaret. Si-
cut et quando discipulis dixit: Neminem sa-
lutareris in via, non interdixit eum salu-
tandi modum quem charitas et urbanitas exi-
git, sed voluit eo dicendi genere significare,
ut sine mora proficerentur, munus obliuri
suum. Ad hunc ergo modum, cum dixit
Mariæ Magdalena: Noli me tangere, non om-
nino prohibuisse ne ipsius pedes deoscularetur ac vene-
raretur suos; sed indicavit ei sedulitatem ac
diligentiam quam navare oportebat in an-
nuntianda discipulis resurrectione sua. Et
ideo nihil obstat quod postea, tam ipsi Ma-
gdalena, quam aliis mulieribus, se adoran-
dum tangendumque præbuerit. Nam id etiam
sine multa mora fieri potuit, solum quantum
charitas ac debita reverentia, devotioque po-
scabant. Unde illis statim dixit Christus: *Ite,
nuntiate fratribus meis.* Et hinc fortasse
Athanasius, in l. de Incarnat. Christi, occa-
sionem sumpsit dicendi, Christum omnibus
mulieribus ad se accendentibus dixisse: *Noli
me tangere;* eas tamen nihilominus acceden-
tes tenuisse pedes ejus, et adorasse. Nam, li-
cet non legamus omnibus dixisse illa propria
ac formalia verba, tamen quoad sensum om-**

18. *Secundum dubium.*—Secunda difficultas
est, quomodo variæ Angelorum apparitiones
quas Evangelistæ narrant, cum nostra sen-
tentia cohærent. Et præcipue est difficultas
de apparitione duorum Angelorum, quam
Lucas refert, dicens: *Ecce duo viri steterunt
secus illas in veste fulgenti.* Quam apparitionem
necessæ est esse distinctam ab illa quæ
facta est Mariæ Magdalena, quando vidit
duos Angelos. Dictum namque est, quando
illos vidit, fuisse eam solam, et ab aliis femi-
nis se junctam; et Joannes dicit fuisse extra
sepulchrum; at illi duo Angeli (de quibus
Lucas meminit) visi sunt ab omnibus illis fe-
minis existentibus intra sepulchrum; non ap-
paret autem quando, juxta ordinem historiæ

supra positum, hi duo Angeli videri potuerint
a mulieribus. Quando enim primum ingressæ
sunt in monumentum, tantum viderunt unum
Angelum intus (ut Marcus narrat), postea vero
non sunt iterum ad illud reversæ, quia, eo-
dem Evangelista teste, discessere statim ma-
gno pavore concussæ.

19. In explicanda hac difficultate, et repug-
nantia quæ esse videtur inter Evangelistas
narrantes has apparitiones Angelorum, variae
sunt expositiones. Quidam ita conciliant et
texunt seriem historiæ, ut primo mulieres vi-
derint unum Angelum extra sepulchrum se-
dentem super lapidem (ut Matth. narrat),
ejusque monitu mulieres (quibus ipse dixit:
*Venite, et videite locum ubi positus erat Domi-
nus*) introeuntes viderint juvenem sedentem in
dextris (ut Marcus narrat), statim vero præ-
timore egressæ sint. Magdalena porro, quæ
sola permanit, iterum se inclinans ad monu-
mentum, vidi duos Angelos et Dominum, at-
que iterum reversa est ad discipulos. Interim
vero alii duo Angeli apparuerunt reliquis mu-
lieribus, quæ a monumento timore plene ac
animo consternatae discesserant. Hæc vero
sententia mihi probari non potest. Primo,
quia est parum consentanea narrationi Lucæ.
Is enim potius significat mulieres vidiisse hos
Angelos intra sepulchrum, sic enim scribit:
*Et ingressæ non invenerunt corpus Domini
Iesu; et factum est, dum mente consternatae
essent de isto, ecce duo viri steterunt secus illas
in veste fulgenti.* Et postquam retulit omnia
quæ Angeli mulieribus dixerunt, subdit: *Et
regressæ a monumento, nuntiaverunt, etc.* Ex
hoc enim contextu satis verosimilis conjectura fit, mulieres ingressas monumentum, an-
tequam exirent, vidiisse Angelos, eorumque
verba audivisse. Quod etiam patet ex illis
verbis Angelorum: *Non est hic.* Erant ergo
in ipso sepulchro, quod designatur per illud
adverbium *hic*; præterea, quia inferius signi-
ficat Lucas Magdalena affuisse cum aliis
mulieribus, quando ii duo Angeli apparuerunt.
Nam post citata verba ait: *Erant au-
tem Maria Magdalena, et Joanna, et Maria
Jacobi, et cæteræ, quæ cum eis erant, que di-
cebant ad Apostolos hæc.* Responderi potest
Lucam non dicere Magdalena huic visioni
Angelorum interfuisse, sed narrasse Aposto-
lis quæ viderat simul cum aliis mulieribus.
Quod verum esse potuit, quia, licet non om-
nes simul, tamen omnes eadem fere viderant
et audierant, et omnes eadem narrarunt
Apostolis. Sed non est revera hæc Evangelistæ

mens; cum enim ait: *Quæ dicebant ad Apo-
stolos hæc,* aperte refert per illud pronomen,
hæc, eadem quæ ipse narraverat. Neque est
verisimile mentionem facere de Magdalena,
et de illa scribere quomodo eadem narravit
quæ aliæ mulieres, nisi quia significare voluit
eam affuisse omnibus quæ scripserat. Accedit
hanc esse sententiam August., et communem
omnium interpretum; contrariam vero ne-
que habere fundamentum, neque esse ne-
cessariam ad explicandam seriem historiæ, ut
ex dicendis patebit.

20. Ex his rationibus consequenter infero
hanc visionem Angelorum, quam Lucas nar-
rat, accidisse antequam Christus primo appa-
rebet Magdalena in specie hortulani. Quia,
quando hi duo Angeli apparuerunt, adhuc
mulieres non credebant Christum vivere, et
corpus ejus mortuum quærebant, ut patet ex
illis verbis Angelicis: *Quid queritis viventem
cum mortuis?* Sed postquam Magdalena vidi-
Dominum, et occurrit aliis mulieribus, eisque
nuntiavit quod viderat, jam non inquirebant
viventem cum mortuis; sed potius ibant nuntiatura Apostolis quod Maria viderat, quibus
per viam incidentibus iterum Christus appa-
ravit, ut supra diximus; ergo si Magdalena af-
fuit huic apparitioni Angelorum (ut vere af-
fuit), necesse est ut ante primam Christi appa-
ritionem sit facta. Dicunt vero quidam,
hanc visionem Angelorum (quam Lucas nar-
rat) esse eamdem cum ea quam memorat Jo-
annes; illos tamen Angelos bis locutos fuisse,
primum soli Magdalena coram aliis, postea
omnibus. Sed non placet, primo, quia apud
Lucam Angeli apparuerunt, cum omnes mu-
lieres simul erant, et intra sepulchrum; apud
Joannem vero, cum Magdalena esset sola et
in vestibulo, ut exponemus. Secundo, quia,
ut colligitur ex Joanne, Magdalena statim
post verba et nutus Angelorum conversa est,
viditque Dominum; ergo non possunt com-
mode interponi cætera verba.

21. Ut ergo totam hanc rem exponamus,
supponendum est ex Cyrillo Hierosol., ca-
tech. 14; et Beda, lib. de Locis sanctis, seu
de Situ Jerusalem, c. 2; et ex Burcardo, in
lib. de Descriptione terræ sanctæ, in 1 parte,
c. 7, in sepulchro Domini duplum fuisse
speluncam, alteram exteriorem (quam Cyril-
lus *vestibulum sepulchri* appellat), alteram in-
teriorum, in qua excisum erat sepulchrum, a
pavimento terræ tribus palmis erectum. Inter
quæ duo loca ostium erat in quo lapis fuit
positus, quo sepulchrum Domini clausum di-